

太上元始天尊說北帝伏魔神咒妙經卷第八

辟屍錄品

北帝曰下元生人宿緣修淺居世多逆當今陽九運周百六數訖鬼精亂行侵擾大地善惡莫分太上慈仁出洞淵秘籙神化神咒以除不祥猶有未盡根由敢附竹木水石之中尤害萬姓或魘魘所侵邪神通體或五殛百毒侵害人間或入軍陣交鋒枉損性命故出明教妙篆真圖告諸將來真子有災之日精心傳授以保萬民白素為之佩帶供養百邪自退軍陣得勝家宅清寧辟屍千里寃家止訟善願從心

北帝曰受者詞云某國小兆某官臣某謹齋法信詣



天師門下請受

北帝神咒飛行妙篆所屬

北斗某星君

北斗大神隨小兆臣某伏鬼消魔居世安樂家園休靜


大帝扶持急急如律令






北帝曰此象靈圖常有一十六部北帝大吏神咒將軍各一百二十人常覆護受佩之人令百邪潰伏延年益壽永保元吉若入軍陣之中受佩此文兵革退散免血光之厄八難之災

北帝曰下元生人若有滯疾不瘥鬼鬼不安被百魅所侵連年累月者即須叩頭奉受太微帝君明鏡大籙佩之身上鬼精退散百病自消延年保命神秘神訣

靈象圖像



1011 A A 18-5



明鏡玉女一人保命玉女一人司命玉女一人黃素玉女一人青腰玉女一人
北帝曰夫人五人為勾銷死簿東斗主壽君為延壽益年南斗真人君為注上長生玉曆西斗記名君為注上福祿北斗星皇君為落

除死名中斗太微君為種却灾禍消諸不祥所居安樂鬼氣消亡若有強拜違道之者並請收付魁罡之下入地萬丈急急如律令
北帝曰吾出此道救世安人既天下清寧則功成道合爾時天尊在不可思議城中遙觀

北帝大布符圖救護大地仍放光明普照諸天乃至下方無極世界令彼下元生人得見光明開諸愚昧與道結緣反本還元受其威力於是天尊舉手彈指無上寶光如鏡之圓從掌中出徹照下方無量國土乃至三塗惡

趣九幽苦境皆得明朗了了清淨地獄休息報對停開繫盲六疾一切苦惱皆得除愈入畜禽獸普發善心不相傷害因此光明一切眾生舉身遙見不思議城如看掌中無有遺失見其光者必當得往長生福堂入寶城中

快樂無極我今所演說
一切諸天尊過去及未來皆同一心方十方微塵土所有諸法王俱演微妙義一乘無上經若有一人聞一章一句偈善心欲奉持宣讀未來世如此善男子及以善女

人所在經行處灾疾不敢傷若有一心念至毒盡消摧又請說真義所行奇妙因真人所得法觀身如悉空苦樂無二相憎愛悉同因高卑無異趣小大不殊形日出非初合日沒詎終亡東西本無定出沒亦無

方又問何因緣息惠起虛皇
北帝爾時說此微妙寶圖告諸末世善男子善女人有憂之日勤行不倦佩吾符篆萬厄消亡敬而信之至心奉行

太上元始天尊說北帝伏魔神呪妙經卷第八